

Бейбала Халидов

Тарихдин Къван

(Шиирар)

Улубдин электрон версия гъазурайди Сабина Ханбабаева я.

Бейбала Халидован сад лагъай ктаб -«Чуьнгуьр» - 1998-йисуз Бакуда чапдай акъатна. 1924-йисуз Сулейман-Стальский райондин Хутаргъ хуьре дидедиз хъайи ам 1946-йисалай инихъ Бакуда яшамиш жезва. Къвед лагъай ктабдани Бейбала Халидова чи уьмуьрдин кутугайзи-лерикайни татугайвилерикай ийизвай веревирдерив ац|анвай шиирар гъатнава. Ада абур гагъ-гагъ вичин чуьнгуьрдихъ галазни тамамарзава.

Килер:

БЕЙБАЛАНИ ЖУВАХЪ ЯЛА	2
АЗЕРБАЙЖАН	3
КИАНИ ДУСТАР	4
РАЗИ Я ЗУН	5
КАРВАНСАРА	5
КІВАТІ ХЪАЙИЛА САНАЛ ВИРИ	6
КВЕЗ МЕХЪЕРАР МУБАРАК ХЪУЙ	6
ЧАН ДАГЪУСТАН	7
КВАДРА ЖУВАН ЧІУРУ АМАЛ	8
САМУР	8
КЪУНШИ	9
ЭМИНАН ХУЪР	10
ЧУЪНГУЪР	10
ДИДЕ	11
КИАНИБУРУН МАНИ	12
ГУЪЗЕЛ ПЕРИ	13
АКУНА	14
АХЦЕГЪАРИН ГЪАМАМРАЛ	14
АЗЕРБАЙЖАНДИН АШУКЪРИЗ	15
АЗАИ СТХА АБУМИСЛИМ	16
АКУНАЧНИ?	17
ДИНЖВАЛ АВАН?	18
КЪИХЛЕР БУБА	18
ЕТИМ ЭМИН	19
СТІАЛ СУЪЛЕЙМАНАЗ	19
АБУКЕВСЕР БУЛАХДАЛ	20
ПИРЕХАЗРАН БУБА	20
ХУЪН ЧНА ШЕЙХЕРИН ГЪУЪРМЕТ	21
КЪУРБАНД СУВАРИЗ	22
САГЪИБ КЪАРИБАЗ	23
ЧАН ЗИ ХВА	24

ГЪЕЙРИ ИНСАНАР АКУНА	24
ГЪАСАН - ЭФЕНДИ	25
УЪМУЪР ГУРАЙ РАМАЗАНДИЗ	26
СА ШАД ХАБАР	26
ЗИ МУРАД Я РАГЪИМЛУ ХЪУН	27
ФУРАР АТІУЗ	28
ГУМ ГАЛАЧИЗ ЦІАЙ КУЗАВА	28
КАШНИ ТІУРФАН ХЪАНАЙ ХЪИ	30
СА КУЪЛЕГ	31
КЪАНМАЗ ЖЕМИР	32
ВУЧ ЛУГЪУЗ ЖЕДА	33
КВЕЗ МЕХЪЕРАР МУБАРАК ХЪУЙ	34
ЧИН ЧІУРМИР, ХАДИЖАТ, ЗАЗ	34
ЗЕГЪМЕТДИН БАЙРАГЪ ИЗЯЯТ	35
МУГЪМАНДИЗ ГЪУЪРМЕТ	36
ФУ НЕДАЙВАЛ ЛАП ШИРИНДИЗ	37
АШУКЪ ЖАМАЛ БУБА	38
ДАР ЖЕДА СУР	39
САЛИ-СУЛЕЙМАН ТИР ВУН	40
АРАДА ГЪУЪРМЕТ АВА	40
АЧУХ ЛУГЪУН	41
АБДУЛХАЛИКЪ	42
ВАХАРИН БАХТАР АЧУХ ХЪУЙ	43
ХРУМДИН ЧЕКМЕ	44
КЪАЛИЯН	44
ЛЕЗГИДИН РИКІ	45
РИКІ МИХЪИ ТУШ	45
И ДУЪНЪЯ ДЕРЕ-ТЕПЕ Я	47
РАГЪИМЛУ АЗЕРБАЙЖАНД ПРЕЗИДЕНТ	48
ТУМ ЛАЦУ КАЛ	49
ЧИН ЧУЪХУЪХ	50
ШАПУНД БУЛАХДАЛ	50
КЪИСМЕТ ЯТІА ТАРИХДИН КЪВАН	51

БЕЙБАЛАНИ ЖУВАХЪ ЯЛА

Ийидалди гъамни-суза,
 Зи рикІин кьил хъана юза,
 Камар вегъиз хъуьтуьл, таза,
 Ша зи патав, иер баха.

Начагъвал ваз хъанва пехир,
 ЯтІа белки уьмуьрд эхир?
 Са истикан хъвана чехир,
 Ял ягъ жуваз къацу сала.

Рахамир гъич кьуру-кьуру,
 Хиялмир на чІуру-чІуру,
 Жемир туйкьуьл, жемир цуру,

Кефер чІугваз девран гъала.

Хуьда за вун гъилин къуш хъиз,
Уьмуьр гъалда гзаф хушдиз,
Къисмет гъиляй гумир бушдиз,
Алакьдайвал жегъилвала.

Гъар пакамахъ къарагъа фад,
На бедендиз ягъ къайи яд,
Къуьзуьвили такъунмаз гъад,
Бейбалани жувахъ яла.

АЗЕРБАЙЖАН

Ваз мураддин ник цада за,
Ви тІвар къуна къин къада за,
И дуьньяда гел тада за,
Азербайжан, Азербайжан.

Абад ая на хайи чил,
Беднезердин тахъуй вал вил,
Дагъустан я ви эрчи гъил,
Азербайжан, Азербайжан.

Гзаф хъурай мехъерни мел,
ЧІур тахъурай ви ахъа пел,
АтІун чна душмандин гел,
Азербайжан, Азербайжан.

Каспи хъиз ви гегъенш я хур,
Ви нафтІади гурай чаз нур,
Бес я агъар вуна чІугур,
Азербайжан, Азербайжан.

Дуьнья вахъди хъанва цІигел,
Хуьла ви тІвар рикІин къилел,
Цифер татуй мад ви винел,
Азербайжан, Азербайжан.

ЭРЕКЪДИЗ

И дуьньяда алаш-булаш,

На зи хатур хамир, юлдаш,
АватІа, кьатІ суфрадал гъваш,
Хъван, чанариз хъурай ахваш.

Гъваш лагъ папаз бадини кур,
Жезава лагъ чи межлис гур,
Эвел лекъ хъиз виликна хур,
Ахпа тежен куьцІей туртур.

Къарагъин чун къадар хъвана,
Ярар-дустар рикІел гъана,
Талгъурай хъи, самбар хъвана,
Дили хъана, киий хъана.

Гъиле румка къаз тахъайдаз,
Къиле садрахъ газ тахъайдаз,
Яб це къуне гаф лагъайдаз,
Мажбур мийир хъваз тахъайдаз.

КІАНИ ДУСТАР

Хъуьреда рикІ, куьн акурла,
Куь мили тир чин акурла,
Заз даях тир къуьн акурла,
Шад жеда зун, кІани дустар.

Цавара лекъер акурла,
КІвалера мехъер акурла,
РикІера эквер акурла,
Шад жеда зун, кІани дустар.

Куь пелерал гъекъ акурла,
Куь чуьллера векъ акурла,
Куь шурпадал рекъ акурла,
Шад жеда зун, кІани дустар.

Куь мал-девлет бул акурла,
Михъи къилих, тІул акурла,
Куь жибинра пул акурла,
Шад жеда зун, кІани дустар.

Шузаррал куь хъвер акурла,
Тарарал чуьхзер акурла,

ВацIарал муькъвер акурла,
Шад жеда зун, кIани дустар.

Цавара къушар акурла,
КIвалера рушар акурла,
Яр-ярдиз къаншар акурла,
Шад жеда зун, кIани дустар.

РАЗИ Я ЗУН

На заз чара са халкъ къала,
Дунъняд винел атай къалай,
Къегъалвилин къилих галай,
Рази я зун зи халкъдилай.

Адан мурад, ният хуш я,
Ада незвай тике нуш я,
Дагъдин кукIвал зурба къуш я,
Рази я зун зи халкъдилай.

Ювал эцигдай синел къакъван,
Гаф чидачир чIуру, гъакъбан,
Гъалч тийидай масадал къван,
Рази я зун зи халкъдилай.

Вине къадай инсафни гъахъ,
Гзаф къадим халкъ ава чахъ,
Муд кутвазвай пакагъан къак,
Рази я зун зи халкъдилай.

КАРВАНСАРА

Илифайла зун са сефер,
Дурусбур тир вичин кефер,
Атанвачир къилел цифер,
Авадан тир карвансара.

Ви тарифдай элди мецел.
На тадачир касни къецел,
Аламач хьи ви къван къванцел,
Шугваз фикир, карвансара.

ЧIалахъзамач зун къинерал,

Алач са кас кье гьенерал,
Хуьзва вуна ви кьванерал,
Тарихдин сир, карвансара.

КІВАТІ ХЪАЙИЛА САНАЛ ВИРИ

Кьемкьердикай кару тахьуй,
Чапардикай пару тахьуй,
Гьич са касни хару тахьуй,
КІватІ хъайила санал вири.
Жагьанач заз хьсан халу,
Жедайвал кье арха, далу,
Кими ийич бегьер салу,
КІватІ хъайила санал вири.

Багьнадилай твамир дяве,
Какадармир филни деве,
Са кас кьванни гьатдач кIеве,
КватІ хъайила санал вири.

ИкI тахьайтIа гьатиз кьалар,
Дегиш жеда дуйньяд гьалар,
Гзаф жеда гафар-чIалар,
КІватІ хъайила санал вири.

Чара тийиз масад, жуванд,
Ван алахьиз твамир шуван,
АлакьдатIа ая рикI-чан,
КІватІ хъайила санал вири.

Чи цавара ракьар курай,
Шаирд кьилив эл атурай,
Бейбаладиз хаСар гурай,
КІватІ хъайила санал вири.

КВЕЗ МЕХЪЕРАР МУБАРАК ХЪУЙ

Чи межлисдиз атанва эл,
Хвешивилин гурлу я сел,
Аваз хьурай шадвилин мел,
Квез мехъерар мубарак хьуй.

Кьисмет хьурай гьар убадиз,
Гьар дидедиз, гьар бубадиз,

Рухвайрихъни, кІвал абадиз,
Сусар гъидай тадаракхъуй.

И межлизда авай дустар,
Къени хъуй куь крар, къастар,
Аваз хъуй икІ лугъуз тостар,
Кабаб ягъаз къар тарак хъуй.

Цувад йикъан варз хътин свас,
Иер я хупІ лацуд алаз,
Бахтлу жервал чамрахъ галаз,
Уьмуьр чпиз ахъа рак хъуй.

Аваз хъуй чун гваз далдамар,
Бул жедайвал сусар, чамар,
Такурай чаз дердер, гъамар,
Квез мехъерар мубарак хъуй.

ЧАН ДАГЪУСТАН

Са хзан я шумуд миллет,
Арадава хатур, гъуьрмет,
КІвалахзава, чІугваз зегъмет,
Чан Дагъустан, чан Дагъустан.

Тарашнач на чилер масдан,
Гуьлуьшан я ви багъ-бустан,
Кхъенва ваз шумуд дастан,
Веледар масан Дагъустан.

Дидедиз хъиз чан лагъана,
Ви къванерни хуьда чна,
Чи рикІера на датІана
Кутур манид ван, Дагъустан.

Дагълар я ви кІеви къала,
Вилин экв я Махачкъала,
Маса ихътин чка къала,
Икъван хуш, кІубан Дагъустан.

Лезги, авар, табасаран,
Дарги, рутул алаз санал,
Ихътин Ватан авач сана,
Зи пІир, зи иман Дагъустан.

Чи мурадар жервал силе,
Чна санал тухун кьиле,
Бейбалани чуьнгуьр гьиле
Аваз хьурай, чан Дагьустан.

КВАДРА ЖУВАН ЧІУРУ АМАЛ

Иман кьуна дуьньядин мал,
Акваз-акваз дегишмир гьал,
На тахсирар вегьемир зал,
Квадра жуван чІуру амал.

ВучайтІани тежез рази,
На хатурдик хкІуьрмир зи,
Ша акъахмир балкІандал зи,
Квадра жуван чІуру амал.

Багьнадилай мийир на кьал.
Жува-жуваз чІурзава кІвал.
Ахпа вавай жедач акал,
Квадра жуван чІуру амал.

Емиш тазвач на зи гьенел,
Мад тарарин кукІвариз хел,
Гаф лагьайла кьвезва ваз хьеп,
Квадра жуван чІуру амал.

На тарашмир зи багь, зи сал,
Гумир вуна зи рикІиз тІал,
Пехил жемир Бейбаладал,
Квадра жуван чІуру амал.

САМУР

И дередиз гад атанва,
Кьулан вацІуз яд атанва,
Ви мугьманар мад атанва,
Кье гуьруьшдиз, хайи Самур.

Вун абур я и яхадин,

Заз гаф чира на рахадин,
Са суфра я кьве стхадин,
Сад Аллагьди гайи Самур.

Иер я ви кьацу тамар,
Яргъаз хьурай вакай гьамар,
Иер руш хьиз юкьва камар,
ГелерайтӀуз фейи Самур.

Ви акунар хуш я рикӀиз,
ХьайитӀаня селлер чкӀиз,
Хайи чилин хурал алкӀиз,
Такабурвал хвейи Самур.

КЪУНШИ

Гьарай мийир вуна, кьунши,
Хьана хьи, зи япар биши,
Хьуьрезва вал эркек, диши,
Жемир тӀун вун мидя, кьунши.

Алахь мийир вун хатур хаз,
И дуьньяда чӀуру гел таз,
Ша ван мийир, кисна акьваз,
Жемир икьван сая, кьунши.

Цуру хьанвай тӀач яни вун?
Кьуру хьанвай хьач яни вун?
Са пад ханвай сач яни вун?
Кьамир гьиле пая, кьунши.

Ша элкьуьрмир яд магьнадиз,
Эхи жезмач ви тегьнедиз,
КьатӀузвач на, а дуьньядиз
Са кӀам рехь я амайд, кьунши.

Кутар лугьуз кьамир бекье,
Гел чидачтӀа гьатмир рекье,
Хабар кьуна Бейбала кье,
На гьал-агьвал ая, кьунши.

ЭМИНАН ХУЪР

Са хуър ава зи Ватанда,
Килигиз хупІ кьве вил кІанда,
А ви ширин гъуъм зи чанда
Гъатнава икІ, Эминан хуър.

Хабар къуртІа адан агъвал,
Абад я кІвал, кІубан я гъал,
Зарардикай хъурай яргъал,
Гуънеяр тик, Эминан хуър.

Ашукъ я чун ви тегъердал,
Элкъвенва вун къе шегъердал,
Диганва хупІ ви бегъердал
Чи чуъл, чи ник, Эминан хуър.

Дараматар кІеле-кІеле,
Хзан бул я гъар са кІвале,
Зар алаз хъухъ къакъан пеле,
Гатфарин цуък, Эминан хуър.

Вун гевгъер я жагъай хътин,
Чаз аманат ракъай хътин,
Са вахтунда тахъай хътин,
Бахтунин цІиг, Эминан хуър.

Къабула на зи чар, кагъаз,
Къакъатдач зун вакай яргъаз,
Бейбалади лугъузва ваз:
Зи чан, зи рикІ, Эминан хуър

ЧУЪНГУЪР

ЦІийи свас хъиз къуна хурал.
Туъмер ийин за ваз, чуънгуър.
РикІе авай мурадари
Агакъда зун вун гваз, чуънгуър.

Къал мийир на, захъ галазди,
Гафар рахух гъахъ галазди,
Ихтилата мах галазди,
Илгъамдикай рахаз, чуънгуър.

Гъатнава зун ви гелера,

Ви ван атуй чи мелерай,
Авуд жедан вун гъилерай,
Чанда ялав аваз. чуьнгуьр.

Авазва захъ дердер пара,
Вун закай гъич жемир чара,
Бейбаладиз рикӀин чара,
Жагъида вун галаз, чуьнгуьр.

ДИДЕ

Мад са велед ханатӀани,
Хурудай нек ганатӀани,
Жув каш чӀугваз хъанатӀани,
Фу ганач чаз яван, диде.

Ийида за гъар са кӀвалах,
Вине къуна дуьзвални гъахъ,
Зи гафарин хъухъ вун чӀалахъ,
ВерцӀи диде, хъсан диде.

Гзаф хъанва мичӀивилер,
ПичӀивилер, гичӀивилер,
Хъанач вахъ гъич кичӀевилер.
Я чан диде, аслан диде.

Какахънава зи рикӀин гъал,
Авайд туш захъ чӀуру хиял,
Авач хъи чун илифдай кӀвал,
Гъинава вун, аман диде?

Югъ алатна, илифда йиф,
Рагъ акӀана, агатда циф,
Вун авачир са уьмуьр - миф,
Аман диде, зи чан диде.

Ви хиялриз такурай хар,
Бейбаладал на туна тӀвар,
Ваз пишкеш хъуй за кхъей цӀар,
Зи рикӀ алай масан диде.

КІАНИБУРУН МАНИ

Руш

Варз хьиз мичІи йифиз къведай,
Заз мураддин цуьквер гьидай,
Салам гана гьилер къадай,
Чан зи рикІиз кІани гада.

Гада

Зи ахварриз илифдайди,
Зун такурла къекъифдайди,
Дерт алахьна элцифдайди,
Чан зи рикІин сир адахлу.

Руш

Зи хиялрин гьам дерин я,
Зи рикІин гьава серии я,
Вун авай уьмуьр ширин я.
Чан зи рикІиз кІани гада.

Гада

РикІин рак заз мийир акьал,
Ша зи патав мукьвал-мукьвал,
Вун зи лекь я дагьдин юкьвал,
Чан зи рикІин сир адахлу.

Руш

Ша зи патав цуьквед багьдиз,
Зи мурадрин чими рагь хьиз,
Арха хьухь заз чи
Шагь дагь хьиз,
Чан зи рикІиз кІани гада.

Гада

Чина аваз яру дуьгуьр,
Им вуч сир я, им вуч суьгуьр,
Гаф лугьун ваз, къуна чуьнгьур,
Чан зи рикІин сир адахлу.

ДЕРБЕНД БАЗАР

Ваз са затІни жагьич ужуз,
Къегьал ксар ийиз ажуз,
пверчияр багьачи хуз,
Дербенд базар, Дербенд базар.

Як кІандайда гьикІ къачуда?
Пек кІандайда гьикІ лугьуда?
Ина гьар затІ багьа гуда,
Дербенд базар, Дербенд базар.

Гьар затІунал вил ацукьда,
Къачуз тежез вахт алукуьда,
Кесиб ксар куз амукьда,
Дербенд базар. Дербенд базар.

Кьуд патахьай къведа рушар,
Гьарма сад жейрандиз ухшар,
Циргьинвай хьиз жеда къушар,
Дербенд базар, Дербенд базар.

Гьардан вилик са чІехи пар,
Гун-къачун я къе кеспи-кар,
Алвердава шумудан яр,
Дербенд базар, Дербенд базар.

ГУЪЗЕЛ ПЕРИ

Са легьзе зи вилик акъваз,
Суст жедайвал ви гьал акваз,
Закай хабар яхъ на кваз-кваз,
РикІи къунвай гуьзел Пери.

Вун такурла чулав я рикІ.
Ви дердиниз таб гуда гьикІ?
Я инсафсуз, жедани икІ?
РикІи къунвай гуьзел Пери.

Гьикьван чулгван за ви фикир?
Вун тахьайтІа, гаф жеч туькІуьр,
Шумуд йис я вун хьана сир,
РикІе тунвай, гуьзел Пери.

Сефил я зун. гьал перишан,
Гъиляй физва зи ширин чан,
Зи язух ша са тІимил къван,
Вили къунвай гуьзел Пери.

Зи рикІин хер мийир дерин,
Алахъай югъ мийир серин,
Къве гаф ая шириш-ширин,
РикІи къунвай гуъзел Пери.

Тимилд ама, фенва парад,
Яр тахъурай заз са чарад,
Чун къвед санал хъун я мурад,
РикІи къунвай гуъзел Пери.

Гъикъван акван вун ахварай?
Авазва зун, квахъна къарай,
Эвердани, туна гъарай?
Бейбаладин гуъзел Пери.

АКУНА

Акьул дерин, гафар ширин,
Заз ви дигай чагъ акуна.
РикІелай фич а ви хъуъруън,
КуркачІ хътин тагъ акуна.

Бахтлувилин нехишар гваз,
Шумуд гишир гамуна тваз,
Бахтавар я къил вине къаз,
Заз са къакъан дагъ акуна.

И пешедал ала ви рикІ,
Иер я вун - гатфарин цуък,
Валай за вил алудин гъикІ,
Заз гуълуъшан багъ акуна.

Эвер гана заз ахварай,
Пишкешна хъи гамни, храй,
Вун сагъ хъурай, пай ракъурай,
Бейбаладиз Рагъ акуна.

АХЦЕГЪАРИН ГЪАМАМРАЛ

Сагъарна на шумудни сад,
Бедендиз вун кужумда фад,

Къиле фида начагъд мурад
Ахцегъарин гъамамрал.

Яд ава вахъ бугъ алахъдай,
Ахваш хъана чанда гъахъдай,
Тлалар-квалар вири квахъда
Ахцегъарин гъамамрал.

Купулдин яд адан дамах,
Сагъарзавай агъзур начагъ,
Къуъзекарни жеда къучагъ
Ахцегъарин гъамамрал.

Тлаларикай ятла бизар,
Рикел гъимир туьквен, базар,
Илифайтла, квахъда азар
Ахцегъарин гъамамрал.

Гзаф я ви хатур, гъуърмет,
Садавайни гуз жеч къимет,
Сагъ хъана хупл Бейбалад мет
Ахцегъарин гъамамрал.

АЗЕРБАЙЖАНДИН АШУКЪРИЗ

Ша лагъ, ша лагъ ашукъариз,
Риклин гъалар ачухариз,
Уфтан хъана саврухариз,
Мугъман ша лагъ Дагъустандиз.

Цуькведава къацу тарар,
Кватлал хъанва дустар, ярар,
Чи мецелла гъа куь тварар,
Мугъмандиз ша Дагъустандиз.

ЧкIурай куь билбилдин ван,
Куь авазар рикIера тван,
Агата чав, лагъана чан,
Мугъман ша куьн Дагъустандиз.

Ша, бахтавар хабарар гваз,
Пузаррик хъвер, хвешивал кваз,
КIанивилер рикIера тваз,

Ша, илифа Дагъустандиз.

АЗАИ СТХА АБУМИСЛИМ

*Сибирда суьргуьнда кечмиш хъайи
къегьал лезгидин мецелай.*

За ваз гафин Сибирдикай,
Чка туш ам, рикIиз дигай,
ЗатIни кIандач заз на ракъай,
Азиз стха Абумислим.

Куь кагъазар татай чIавуз,
Зарул я гьал йифиз-юкъуз,
Жеда хьи зун вилер ацIуз,
Азиз стха Абумислим.

Хзан такван - са аламат,
Абур вири вал аманат,
АлакьайтIа, хуьх саламат,
Азиз стха Абумислим.

Зун Сибирда ава лугъуз,
Зи аялар тамир ажуз,
Куьмек ая вуна абруз,
Азиз стха Абумислим.

Къуьд атанва гзаф кIеви,
Авазва зун ргаз иви,
Зи балайриз тахъуй мекьи,
Азиз стха Абумислим.

Заз Мегъдихан аквазва шез,
Зарул я ам, рахазвач мез,
За рикIевайд гьикI лугъун квез,
Азиз стха Абумислим.

Зи стха Балафендидиз,
Агата лагъ гьамар пайиз,
Къекъвемир лагъ къайиз-къайиз,

Азиз стха Абумислим.

Хутаргдавай Гъажибала,
Лагъ, стхадин вахъ вил гала,
И зи царар адаз къала,
Азиз стха Абумислим.

Урусатда я зун дустагъ,
Аквадач хьи цавара Рагъ,
Чи Къафкъаз я женнетдин багъ,
Азиз стха Абумислим.

Дустагъ яз икI я зун сефил,
АтIудач хьи, квекай зи вил,
Гъатда рикIе зи хайи чил,
Азиз стха Абумислим.

Им сад Аллагъдин къадар я,
Къелемди кхъей хатIар я,
Фагъумдайдаз зулум кар я,
Азиз стха Абумислим.

АКУНАЧНИ?

Дердер-гъамар хъанва гзаф,
Ван хъурай квез я дере, чIаф,
Лугъузва за зи рикIин гаф,
Квез зи жейран акуначни?

Фикир-хиял яргъал ракъуз,
Амукъна зун сефил, ялгъуз,
И алахъай гуьлуьшан къуз
Квез зи жейран акуначни?

Шумуд йис я зун гъамар гваз,
РикIе ярдин хиял аваз,
КъведатIа ам рушар галаз,
Квез зи жейран акуначни?
Квадарна за рикIин къарай,
ГъикI чукIурда рикIин сарай?
Гъикъван ийин эвер-гъарай?
Квез зи жейран акуначни?

ДИНЖВАЛ АВАН?

Физ кІанзава чуьллериз заз,
Секинвилев, бахтатар яз,
Макьам ягъиз, манияр гваз,
Аваз гъиле чуьнгуьр жуван.

Ргада зун йифиз-юкьуз,
Авахьда зун вацІун яд хъиз,
Агакь тийиз сакІан гъуьлуьз,
Зи ятарив жеда шуван.

Ярар, дустар, хъуьремир зал,
Зи чуьнгуьр я зи муг, зи кІвал,
Хатур хана, ийимир кьал,
Бейбаладиз динжвал аван?

КЪИХЛЕР БУБА

Мад Дербенддиз атана зун,
Къихлер буба хиялдаваз.
Адан патав эл атанвай,
Мукьва-кьили, яр-дуст галаз.

Низ атанач Къихлердин ван?
Иер я хупІ — женнет макан,
Гьар дердиниз жеда дарман,
Чи Къихлердин серин аяз.

И вил галай вилайтдиз
Къвезва вири зияратдиз,
Элкьведа пІир имаратдиз,
РикІера хуш мурадар тваз.

ЕТИМ ЭМИН

Вад метридин кьизил гуьмбет,
Ваз тамашиз гьар са миллет,
Халкъдин арада ава гьуьрмет
Ваз Аллагьди гурай рагьмет.

Рагьимлу Эмин - Шейх лезги,
Шаир тира рикъиз чими.
Куьмекна чаз гзаф чехи,
Хазина ама кватлай вичи.

Низ атанач Шейхинин ван,
Мурад пир я, женнет макан.
Гьар дердиниз жеда дарман
Зияратдал атай касдин.

Берекатлу Эминан хуьр,
Теспягь чуьгваз, ийиз зикир,
Хкажнава чаз вичин гьил
Зияратдал атун патал.

Бейбаладиз кхьена шад,
Мад аватла ихьтин масад.
Вуна туна чаз аманат,
Эминан цир хуьн саламат.

СТІАЛ СУЪЛЕЙМАНАЗ

Чунгуьр кьуна мадни хурал.
Ала, шаир, зун ви сурал,
Фагьумзава, кьвазна гарал,
Ви царара авай суьгьуьр.

Эхна дерт на. эхна тІал на.
Кьегьалди хьиз уьмуьр гьална,
Шумуд рикъе жуваз кІвална,
Пис ксариз тагана сир.

Чуру мифар на чуькурна,
Муьгьуьббатдин цІай куькІуьрна,
Лезги халкъдиз на туькІуьрна
Са гьейбатлу шиирдин пир.

АБУКЕВСЕР БУЛАХДАЛ

Адалат хъуй гъар са хуъре,
Чи халкъдин къил къуна вине.
Къадир - Аллагъ аваз рикIе,
Заз аманат гъатна гъиле
Абукевсер булахдал ви.

Халкъдин шаир Етим Эмин,
Вун муаллим я гъар мектебдин.
Винизвал я ам чи къилин,
Са тIимил къван зани кIелин
Абукевсер булахдал ви.

Эмин вуч я къакъан лезги,
Дагъустандиз куъмек гайи.
КIвале авай гуъзгуъ чIехи,
Вун гъилерал алазва чи
Абукевсер булахдал ви.

Абукевсер булахдал ви
Са майвадин тар цана за.
На дадмишна, чIехи буба,
Бейбалад пай амай дуънья
Абукевсер булахдал ви.

Йиф акъатна югъ хъана заз,
Ракъини хъиз нур гана заз.
Вун агакъна чи вилик кваз,
Салам гуда гъар къуз за ваз
Абукевсер булахдал ви.

ПИРЕХАЗРАН БУБА

Ни хуъревай бубад пIирел
Пиреказран тIвар алайд я.
Пир эцигна чархун къилел,
Гар къекъведай синевайд я,
Пиреказран, Пиреказран.

Хутаргърин жемятдин пIир
Чпин рикIе чимиз хуъзва.

Чи къурбандар къабула пѲир
Чи гунагъар ая къезил,
Пирегазран, Пирегазран.

Хуъре авай булах пѲирен
Хъвадай серии яд авайд я,
Хъвайи касдиз гъам я дарман,
Физ хкведай рахъ яргъа я,
Пирегазран, Пирегазран.

Квадардайд туш чна чи дин,
Дин ширин я чими рикѲин,
Куълег я ам гъар са касдин,
Иман гваз чун виликди фин,
Пирегазран, Пирегазран.

Хуъруън берекат я пѲирни мискѲин,
Ферз хивевай капѲийиз фин.
Вилик инсаф аюзвазин
Чи зикирар къабул ийин,
Пирегазран, Пирегазран.

ПѲир авачиз Эминан хуър,
На чи халкъдиз бул рузи це.
Гъар са касдин мурад къиле
Тухун патал чаз куъмек це,
Пирегазран, Пирегазран.

ПѲирер - шейхерихъ гала вил,
Бейбалад ийизва зикир.
Ватандихъай атѲудач вил.
На чѲугвазва халкъдин фикир,
Пирегазран, Пирегазран.

ХУЪН ЧНА ШЕЙХЕРИН ГЪУЪРМЕТ

За ватандиз муштулух гун:
Чаз чими гатфар атана.
Аллагъдивай тѲалабнай за,
Шейх Эминан ктаб атана.

Пашман гуъгъуъл ачухардай,

Аламатар къалурардай,
Цай квачиз къажгъан югурдай
Шейх Эминан ктаб хкажна.

Зун фена кье са мектебдиз,
Директордиз гъурмет ийиз,
Хуралай ви шиир кЕлиз, Шейх
Эминан ктаб гъиле къуна.

Зи буржи я гъурмет авун,
Шегьердиз къван дуъз рекье тун,
МичИвилай акъудна чун
Шейх Эминан чирагъдалди.

Хабар къуртIа Бейбаладвай,
Зун язава къунши Хутаргъай.
Чахъ рузи агакъарзавай
Ширер - Шейхерин гъурмет акуна.

КЪУРБАНД СУВАРИЗ

Йиса садра къведай азиз мугъман,
Чаз шерик тир Къурбанд Сувар.
Авача квехъ яргъалд уьмуьр,
Къурбанд тукIвазва куьне гъайванар!

Гъар пакамахъ гъамам ая,
Жуван беден михьи ая,
Къурбанд паяр пая, пая,
Чин чанрилай садакъа я.

Пайгъамбардин чинавай нур –
Чун сагъвалай ин югъ акур,
Разудал жемир такабур,
Мусурманрин чIехи сабурI

Къурбан сувариз кIел аятар,
Вахъ авайд я чIехи шартIар,
Къезил ая чи гунагъар,
Ахъа хъуй чаз женнет рактIар.

Пуд югъ я чаз къурбанд сувар,
Шаддиз къекъведа лугъуз зикирар.

Зи патай квез чаз виридаз
Къурбанд сувар мубарак хъуй.

Чин ачухдиз, гъил ачухдиз,
Къулал жеда чІехи къажгъан.
Йиса садра ая сувар –
Сад Аллагъди гайи ксар.

Тјямлу я чаз недай ашар,
Куъмек ийиз ша, юлдашар,
Бейбаладив гва чими сумавар,
Хъухъа куъне ширин чаяр.

Гъайиф хъана феи уъмуър,
Диде-бубадиз гъурмет тавуна,
Ацукъмира рак акъална,
Къурбанддин сувар тавуна.

САГЪИБ КЪАРИБАЗ

Дагъдин хуърериз алвер тухуз,
КІвалахдин винел вуна чан гуз.
Галат тийиз хъуътІуъз-гатуз,
Сагъиб хъурай вакай, Къариб.

Шумуд йисар я чІугваз зегъмет,
Ваз юлдашри гузва къимет.
На хуъзава абурун гъуърмет,
Сагъиб хъурай вакай, Къариб.

Вуна ийиз чІехи сабур,
Авур кардал гъизва абур,
Сагъиб тахъуй чаз хаинбур,
Асуллу инсан я Къариб.

Чин тийирбуруз вун чир хъурай,
Халкъди вирида къимет гурай.
Ви кІвалахар виликди фирай,
Са сагъиб хъуй вакай, Къариб.

Чар къачурла Бейбаладлай,
Эцигмира къелем гъиляй.
Гъам шаир я, гъакІни алим,

Дербентда са шагъ я Къариб.

ЧАН ЗИ ХВА

Бубад гъайи цийи сусан
Адан кефи хамир, чан хва.
Куън къвед авай тавханада
Гъамиша экв хъурай, чан хва.

Ви къисметдиз атанавай,
Адан кIвачихъ девлет галай.
Къве дидени девлет авай
Сусан кефи хамир, чан хва.

Бубад лагъай веси хуъха,
Дидед кефи хамир, чан хва.
Суса хайи шерик - куърпе
Дидед хуруз гице, чан хва.

Нянет гъваша куъне иблисдал
Пехил жезвай инсафсузрал.
Хата - бала татуй къилел,
Чехи сабур ая, чан хва.

Къизилдин къуш аваз гъиле,
Гъар са кIвалах къекъвез рикIе.
Бейбаладив гвай бедредай къе
Абуруз хъвадай ширин яд це.

ГЪЕЙРИ ИНСАНАР АКУНА

Билбилар хъиз хуш рахадай,
Гафар чида буш рахадай.
Мугъманд вилик фу тегъидай
Туъкъуъл инсанар акуна.

БалкIан гъална руг акъуддай,
ВацIувай шалман вахчудай,
Са шумудан мал къакъуддай
Чуру чулав инсанар акуна.

Ничхир кухурна цегв вахчудай,
Жанавурдихъ галтугна хеб вахчудай,
Вуч яхунд яз куькдаи кьадаи,
Къайи, къаних инсанар акуна.

Чал чин тийир мал гатадаи,
Лап гъвечи аял гатадаи,
Къуд патахъди ван алахъдаи
Гъарайдаи дели инсанар акуна.

Дидед къадир чин тийидаи,
Майвадиз багъ хуьн тийидаи.
Бейбаладиз са гъурмет тийидаи,
Кеми - гъейри инсанар акуна.

ГЪАСАН - ЭФЕНДИ

Дагъустандин члехи алим
Алкьвадар Гъасан - эфенди.
Илим къачуз вагаи халкъди,
Вилик ква Гъасан - эфенди.

Чаз цаварай марфар къурай,
Чи багълариз яд бул хъурай,
Чаз тарари бегъер гурай, Г
буьрметлу Гъасан - эфенди.

Атана зун ви къапудал,
Экъечи жезвач завай винел,
Жаваб гана шедаи ванцел
Аквазвач Гъасан - эфенди.

Девлет галамача кIвалихъ,
Бейбала къекъвез феи рекъихъ
Гъайиф хъана кутаз чилик
Алкьвадар Гъасан - эфенди.

Вун рикIелай фидач халкъдин,
Ви несилдиз гъурмет ийин,
Куьлег гвай вав женнетдин,
Алкьвадар Гъасан - эфенди.

УЪМУЪР ГУРАЙ РАМАЗАНДИЗ

Кагъаз кхъизва стхадиз,
Вун сагъ хъурай саламатдиз.
Дустун куьмек гузва кIваллиз,
Уьмуьр гурай Рамазандиз.

Вун фенава къариблухдиз,
Са тике фу къазанмишиз.
Куьмек гузва ви хизанриз.
Уьмуьр гурай Рамазандиз.

Чун тамашиз ви шикилдиз,
Стха, за ваз темен ийиз,
Гьуьрметлу тир ихьтин хизандиз
Уьмуьр гурай Рамазандиз.

Шуьрбетар хъухъ истикIанрай,
Чи рикIерин чимивилляй,
Вуч мугьмандиз къвез хьфидай
Рамазандин уьмуьр сагьрай.

Зун физава Алкъвадарал,
Вуж гьалтдатIа яраб къе зал?
Рамазан я хуьруьн къегьал,
Куьмек гузва гьар чкадал.

Бейбаладин сефилвилиз
Садани заз куьмек тийиз,
Хабар гузва виляятдиз,
Уьмуьр гурай Рамазандиз.

СА ШАД ХАБАР

Вил гала зи и дуьньядихъ,
Мусурман халкъ артух хьунихъ,
А куь ширин гуьзел ванцихъ,
Садни фимир кIеви чилик.

Зи мурад я рагьимлу хьун,
Кьилел са хата-бала татун,

Садаври гъич кукІун тавун,
Дуьнья вири саламат хьун.

Зи мурад я инсафлу хьун,
Чуру кардиз гъич рехъ тагун,
Чилер патал дяве тавун,
Душмандиз гъич далу тагун.

Ийимир чун цІарар - цІарар,
КумиратІун кесиб халкъар.
Ислягъ хьухъ куьн, гьукуматар.
Саламат тур чи веледар.

Пуд йиф я за ктаб кІелиз.
Са тІимил кьван кхъиз чириз.
Яракъ лазим туш шаирдиз,
Шаирдин гаф тонни зур я.

КІвачин кІанел алай руквар кІватІална,
Гимишни кьуркьушум туькІуьрна.
Дуьньяд халкъдиз гзаф минетна:
Гьарма сад са кьизил хьухъ куьн.

Гьалтайла салам гудай,
Гьилер кьуна гьал жазадай,
Чев саламат туш лугьудай
Къадим мусурман халкъ ава чахъ.

ЗИ МУРАД Я РАГЪИМЛУ ХЪУН

Фура кузва цІивинар,
Чукарзава дуьз шалманар.
Терг хьурай тамай къачагьар,
АятІун чун вири шадар.

Инсарин арада шаир
КІвалахдин винел къакъажна гьил.
Гъич са куькай кичІе жемир,
Булвилелди цуза техил.

ФУРАР АТІУЗ

Чи рикІера ажугъ аваз,
Автоматар къужахдаваз.
Гитлер хьтиндахъ галаз
Гужлу дявейра хьайиди.

Я къуьд хьанач, я квез гатфар,
Душман куьне ийиз кукІвар,
Дагъустандин игит хваяр,
Зурба дявейра хьайиди.

Моздокдилай фена дяведиз,
Шегьер хуьрер азад ийиз,
Дагъустанд халкъ галат тийиз,
Душмандал гъалиб хьайиди.

Гъар са салдай гъар са къегъал,
Алазва куьн халкъдин рикІел,
Къизил орден алаз хурал,
Дагъустандиз куьн хтайд я.

Шумуд орден, шумуд медал
Вучиз гъалчна на ви хурал?
Низ чида къван ятІа къегъал,
Берлиндиз къван вун фейиди.

Акъвазнача йифиз-юкъуз.
Душманд хура дяве тухуз,
Куьн вегьедай фураp атІуз,
Бейбалад зегъмет чІугурди.

ГУМ ГАЛАЧИЗ ЦІАЙ КУЗАВА

Заз акуна зурба аламат:
Ацадарна чи дарамат;
Чанда авай чІуру ният
Регъберар ава ихьтин.

Пионерар, комсомолар, куьн
Суд тавуна чара хьана хьин,
Икъван гужлу ватандал чин
Цифер къвез физвай дуьнья.

Такурдаз регъят я, акурдаз дерт,
Нефсиниз гузвач тербет.
Арада амач хатур-гуърмет,
Аждагъанар авай дуьнья.

Дуьз рикIериз ягъна рапар,
Чи меркездиз къвезмач ахвар.
Кана партияд билетар,
Дустарикай душман ийидай дуьнья!

Лугъузвач са хийирлу гаф,
Ийизвач са кIус инсаф,
Жегъилар михъзавай ракъун саф,
ЧIуру регъбердин гъиле авай дуьнья.

Багъдай тарарин дувулар хкудиз,
Жегъилар чи арадай акъудиз,
Чилер патал дяве ийиз,
Инсафсузар авай дуьнья.

КIекерикай верчер авуна,
Чи туьтуьхар гьута къуна.
Гъин патаз фин чун лув гана,
Чи къилер атIузвай дуьнья?

Ахъайиз ракIар фимир вун,
Къве гъил санал дабакъ хъуй.
Фидач лугъуз къазва на къин,
Къинез къимет амач, дуьнья.

Хуьзавач чун инсанар хъиз,
КикIизва вун масаниз физ,
Ажалсуз инсанар рекъиз,
Чилер багъа я ви, дуьнья.

Зи хам къадач рагъулар,
Зак квайди туш чIуру иви,
Дарман гвача духтуррив чи,
Секинар из жезвач дуьнья.

Гъарагъайла Бейбалади,
Ван гъатда чуьлера ви.
Къурай векъиз цIай ягъзавай,
Делибур вилик квай дуьнья.

Гъилерни чин чуъхвена вичин,
Гафар чида шариатдин.
Къибледихъди пел чилел эцигин.
Инсанар тӀимил я ихътин, дуънья.

Аси тахъуй зун хулад рекъе,
Аквазва заз дуънья еке,
Гъайванар ава кӀеле-кӀеле,
Гуьлуьстандин багъ туш дуънья.

Дуъньяда я къал жедачир,
Я секин халкъ жедачир,
Я чӀехи тӀурфан жедачир,
Къуд паюнкай са пай хъанайтӀа дуънья.

Ваз яргъал тир уьмуьр хъанач,
Вун тӀварунзл кӀевиз хъзнзч.
Кесибрин къадир чир хъанач.
Дуъзвилигъ гъукумат чукӀурай дуънья.

КАШНИ ТӀУРФАН ХЪАНАЙ ХЪИ

Гъуьлуьн кьере ветегаяр,
Балугъар къаз фидай халкъар,
Авайди тушир чаз йифен ахвар,
Дяведиз халкъди гуз куьмекар.

Гузвайди тир чаз фан талунар,
Жезавачир руфун тухар.
Гитлера хуьзвай вакӀар
ТукӀаз недай Дагъустандин халкъ акуна.

РикӀел алама зин,
Варцаралди хъана гишин,
Гъуьлуь гана виридаз тӀун,
Душмандал гъалиб хъана хъи.

Авахъна къвез гъуьлуьз вацӀар,
Гъуьле къугъвазва балугъар.
Абурун кӀане цӀарар-цӀарар
Душман ядай гуьлле хъанай хъи.

Уьмуьр физва чIугваз зегьмет,
Душмандиз гун чна нянет.
Кепекни туш адан кьимет,
Гьйдач чна а квел рагьмет.

РикIелай фидача хьи зи
Куьмек ганай хьи
Каспи гьуьлуь чаз
Душманар гатаз.

Гуз планар са пай артух.
Чаз балугьар хьана буллух.
Хазина ава гьуьле ачух,
Девлет халкьдиз жедач артух.

Тух хьайила гишин руфун
Инсандиз кьуват жеда хьи.
Шукур гьизва за худадал,
Душмандал гьалиб хьана хьи.

Чал гуьлледин хар кьурзавай,
Сана секиндиз чун тан тийизвай,
Яру ивидай чи гьилер кьацIурзавай,
Алчах душманар ава хьи.

Тахкурай чаз залан йикьар,
Душмандиз хьуй кIеви азар,
Бейбаладиз акуна и кар,
Зи ватандиз кашни тIурфан хьанай хьи.

Яру жезвай чIулав ракъар,
Кана чун ийизвай кабабар,
Мадни гужлу авай танкар,
Гранатралди ягьиз, ийизвай кукIвар.

Тебиатдал чан гьайи гатфар,
Кьазанмиша гуьзел тир йикьар,
Ава чахь чIехи гьунар, кьастар,
Дагьустандин игитар тир хваяр.

СА КУЬЛЕГ

АтIузва чи кьуьлуьн кьилер,

Шад жезавач халкъдин рикIер.
Берекатар авай чилер,
Кайиди халкъдин душман хьтин.

Душманди чи муг чукIурна,
Къушарин лувар атIана.
Аватнава зун гьевесдай.
Гьикъван къада къил агъада.

Советрин гужлу партия
Гана дарман куьн ксурна.
Халкъдин душман Горбачевак
Зегьерлу иви кваз хьана хьи.

Аквазва заз инсанар икI:
Садбур яхун, садбур я куьк.
Кутуна чун вири кIаник,
Горбачев, вун фирай чилик.

Квахьнава зи рикIин хиял,
АтIузавач къиле авай тIал.
Икъван дуьнья са куьлегдал
Ахъайиз агалзава хьи.

Регъуьди туш ала вал чин,
Дам атIурай а ви рикIин,
Хкахьна экв вун авай кIвалин,
Килфетни кваз хьурай секин.

Халкъди ганай ваз чIехи къимет,
Къазанмишнач на ваз гьуьрмет.
ЧIуру касдиз гурай нянет,
Бейбалади гатаз вичин мет.

КЪАНМАЗ ЖЕМИР

Секинвал вуна чаз тагуз,
Атана вун кIвалер атIуз,
Терг хьурай вун, я намуссуз,
Аватна са чIехи фуруз,
Къанмаз жемир, къана аман.

Халкъдин зегьметдал вил эцигна,

Ам зид лугъуз гъил эцигна.
КІараб тазазмаз фирай вун,
Гъич вилериз тахкурай вун.
Къанмаз жемир, къана аман.

КІвалерай на гамар тухуз,
Ятахра авай малар тухуз,
Чуьнуьхзава йифиз-юкбуз,
Аватда вун чІехи фуруз.
Къанмаз жемир, къана аман.

КІантІа угъри, кІантІа къачагъ,
Къведани алукІда са валчагъ.
Куьн амай къван буш жеч дустагъ,
Квез гъазурна фур ава гъана,
Къанмаз жемир, къанмаз жемир.

Ийимир чІуру хиялар,
Халкъдиз гумир зиянар.
КъацІурмир диде-бубад тІвар,
Вуч гъулдан я дустагъдин ракІар,
Бейбалад квез гузва хабар.

ВУЧ ЛУГЪУЗ ЖЕДА

Са мухан твар къуьлуьк хъайла,
Гъуьруькайни фу чрайла,
Адан дад сиве хъайла.
Шаирдиз ам гъикІ чир жеда?

Вичин кІвач къеціи тийидай,
Гъиле асани къан тийидай,
Юкбуз хъиз йифиз къекъведай
Шаирдиз вуч лугъуз жеда?

Хуруда халат тахъана,
Духтурвлни кІел тавуна.
Начагъ инсан фад сагъардай
Жейрандиз вуч лугъуз жеда?

ЧІехи хуьре гъвечІи кавха,
На дуьз кІ валах къиле тваха.
Жуван гафунал акъваза:

Жемятдивай вуч лугъуз жеда?

Шутка гице сив чуьхуьдай.
Са затI гице сас михьидай,
КъацIай гьилел яд иличдай
Бейбаладиз вуч лугьуда?

КВЕЗ МЕХЪЕРАР МУБАРАК ХЪУЙ

Чи межлисдиз атанва эл,
Хвешивилин гурлу я сел,
Аваз хьурай шадвилин мел,
Квез мехъерар мубарак хьуй.

Къисмет хьурай гьар убадиз,
Гьар дидедиз, гьар бубадиз,
Рухвайрини кIвалихъди ядиз,
Сусар гьидай тадарак хьуй.

И межлиса авай дустар,
Къени хьуй куь крар къастар.
Аваз хьуй икI лугъуз тостар,
Уьмуьр чпиз ахъа рак хьуй.

Аваз хьуй чун гваз далдамар,
Бул жедайвал сусан чамар,
Такурай чаз дердер-гъамар,
Квез мехъерар мубарак хьуй.

ЧИН ЧIУРМИР, ХАДИЖАТ, ЗАЗ

Шагалатдин къенфетарив
ТуькIуьрнавай хунча Хадижат!
Тавханадин дамардаллай
Гуьзгуьдай килиг, Хадижат!

Гатфарикай къуьд жеда заз
Адахлид чин чIурай чIавуз.
Хьел татана гьекь юьведа заз
Адахлид чин чIурай чIавуз.

Экуь къакай йиф жеда заз
Адахлид чин чІурай чІавуз,
Рагь алай югь серии я заз
Адахлид чин чІурай чІавуз.

Жегьил рикІиз пис жеда зи
Адахлид чин чІурай чІавуз.
Къурай рикІе къар жеда зи
Адахлид чин чІурай чІавуз.

Зи вилериз экв ахквадач
Адахлид чин чІурай чІавуз.
Заз таралай цуьк ахквадач
Адахлид чин чІурай чІавуз.

Гишин хъайтІан фу хъинедач
Адахлид чин чІурай чІавуз.
Дидедивни зун рахадач
Адахлид чин чІурай чІавуз.

Зи кІвачервай къекъвез жедач
Адахлид чин чІурай чІавуз
Гъиляйни зи кІвалах къведач
Адахлид чин чІурай чІавуз.

Заз акурай сивик хъвер кваз
Чун къвед санал хъуьрез, рахаз.
Бейбалади лугъузва ваз:
Чин чІумир на, Хадижат, заз.

ЗЕГЪМЕТДИН БАЙРАГЪ ИЗЯТ

Зун фена къе са базардиз
ВиртІед балунриз тамашиз.
Изятан михьи гъили
Дагъдин виртІедик тІур хуькуьрна.

Хайи балун жемир гъайиф,
Халкъди ийизва виртІед тариф.
Изят, чаз къвезва гъайиф,
На базарда ийимир йиф.

Вирт какадрай кафи хьтин
Масад авач ви рангадин.
Аллагъди ваз гай абурдин
Изаят я шагъ ханумрин.

Малайик хьиз хайид я вун,
ВиртЕдилай ширин я вун.
Мулдин цуьк хьиз акъвазда вун
Изаятаз тамашин чун.

На виртЕдлай къачумир чар,
Ая кIвале чIехи сувар,
Изаят, вун девлет гьамбар,
Гарданда ава къизил хтар.

На виртЕдкай ая шекер,
КIвале хьуй ви шадлух, мехъер.
Мукъвал хьуй чаз и шадвилер
Изаята ийиз къуьлер.

Кагъаз кхъизва за вахаз
ВиртЕдин къаб зи вилик кваз.
Бейбалади лугъузва ваз:
Гъед алай пайдах Изаят,
Зегъметдин байрагъ Изаят.

МУГЪМАНДИЗ ГЪУЪРМЕТ

Инсанар, куьн физ цаварай,
Техника авур килер сагърай.
Экуь вацраз мугъмандиз фей
Чаз багъа тир къегъал сагърай.

Вацран патав феи мугъман,
Гъуьрметна ам рекъе хутай,
Мадни мягъкем хьурай ви чан,
Гъукуматдин уьмуьр сагърай.

Чи алимрин акъул киле,
Ам чилелай туна рекъе.
Агакъдач вахъ вилин ленге,
Ракет элкъвез вацран къене.

Гъар чІалалди са жуьре тІвар,
Ахъа хъана Наджимтун раклар.
Чаз ван хъайи цІийи хабар
Фейи касдин уьмуьр сагърай.

Вун цаварал фейи йикъан
Вахтар кхъиз ктабда тан.
Дуьня ацІай ихътин чІехи ван
Авайбурун уьмуьр сагърай.

Илим кІела лап дериндай,
Хкатмира гъавурдикай.
Халкъдин чІехи бегъер гудай
Таз къелем жен Бейбаладкай.

ФУ НЕДАЙВАЛ ЛАП ШИРИНДИЗ

Вун хуьруьвай чара тахъуй,
ЦІийи кІвалер мубарак хъуй.
Даклар акъал, рак ачух хъуй,
Ви дарамат ваз мубарак хъуй.

Езне Юнус яхун тахъуй,
Ваз кІвалахи тади тагуй.
Заминадин чани сагъ хъуй,
Хайи велед мубарак хъуй.

Са вахни пуд стхадикай
Амала Салигъ веледар хъуй.
Аллагъди квез девлетар гуй,
КІвалин къене са булах хъуй.

Абазур тур кІвалин къава,
КуькІуьра на жуьт къуд лампа.
Столд винел алаз суфра
Берекатар кІватІал хъана.

Саламар лагъ гъа и хуьруьз,
Мукъва-къили, къавумариз.
Са гаф це тІун Бейбаладиз,
Фу недайвал лап шириндиз.

АШУКЪ ЖАМАЛ БУБА

За рикӀел гъизва игитар,
ТуькӀуьрзавай шад межлисар.
Куьн сагъ хьурай, чан ашукъар,
Пашман рикӀер ийиз шадар.

Кьуна чуьнгуьр вичин кьамал
Кьуьл авурд я Ашукъ Жамал.
Ви межлизда авай садвал,
Халкъдиз ашукъ цицӀи Жамал.

Атана кье зун ви сурал,
Зи тӀвар аламани ви рикӀел?
Шукур гъизва за худадал,
Ваз женнетда хьурай са кӀвал.

Ихтияр це, Жамал буба,
За къадани а ви чка?
Зун кьунай на ви кьужахда,
Заз темен гайи Жамал буба.

Вун Хушникентдиз феи чӀавуз,
Бегдин мехъер авай чӀавуз,
Пеле къашкъа вучни яргъа
Бегди пишкешна гъа юкъуз.

Ирид ашукъдин межлисдал
Ашукъ Жамал хъана кьилел.
Са сун чуха алаз вичел,
Гъалиб хъана вун виридал.

За ви чуьнгуьр чӀугван хуруз,
КӀанзава заз ваз салам гуз.
Туьмер ийин а ви суруз,
Галатдач зун йифиз юкъуз.

За къабулна ашукъдин тӀвар,
Гъиле гице зи са дафтар.
Кхьин за квез гуьзел хатӀар,
КӀела куьне, азиз дустар.

Хабар гузва виляятдиз,

Гъам ашрикъдиз, гъам машрикъдиз.
Ашукъ Жамалан чуьнгуьрдиз
Ша махлукъат туьмер ийиз.

Ша чна къе гъил къан гъиле,
Игитар хъиз фин чун рекъе.
Чи лезги халкъ хъурай вине,
Салам тана Бейбалад къе.

ДАР ЖЕДА СУР

Вад йикъан дуьнья дар ийизва,
Сусан рикел хер ийизва.
Куьлуьз-куьлуьз свае ширзава
Буьндуюгуьрвал квай къарийри.

"Свас, малариз килиг", - лугъуз,
"Нек квачир кал ацуз", - лугъуз,
"Сафунаваз яд гъваш", - лугъуз
Буьндуюгуьрвал квай къарийри.

Суфрадик квай фу гъисабда,
Хъуьтуьл чкадал ацукъда,
Мадни сусаз тIуб югъурда
Буьндуюгуьрвал квай къарийри.

Суса аял хана лугъуз,
Къилихъ галай шални вахчуз,
Йифизни вун ксуч лугъуз
Буьндуюгуьрвал квай къарийри.

КIваляй квахъуй ихътин бала
Лагъана заз а ви суса.
Ваз сур атIуз фий Бейбала,
Буьндуюгуьр, вун тван дар сура.

Пул тагана шеь гъваш лугъуз,
Акатай затI чуьнуьх лугъуз,
Тербиясуз свас вердишриз
Буьндуюгуьрвал квай къарийри.

САЛИ-СУЛЕЙМАН ТИР ВУН

Дагъустандин чІехи тир шир,
Къекъвена вун хкажна кбил.
Хъанача ваз яргъалд уьмуьр,
Ахквадач вун, атІудач вил,
Сали-Сулейман хъанай вун.

Ви чкадал вуж хтурай.
Асретал Алидин стха?
Къуват авай ви гъилера,
Ракъарикай еб ийидай,
Сали-Сулейман хъанай вун.

Америкадиз фейи чІавуз
Гужлу женгер кбиле тухуз,
Аждангъан тир илан лугъуз,
Адан келле чуькъвей чІавуз,
Сали-Сулейман тира вун.

Элкъвена вун и дуьньядал
Вагъши гъайван ахъайнавай.
Тергна ам на ви гъилерал,
ТІвар туна на икІ дуьньядал,
Сали-Сулейман хъанай вун.

Вичихъ авай хъсан къве хва,
Заз къуватар авай пара,
Гъайиф хъана тун вун сура,
Шез амуькна вахъ Бейбала,
Сали-Сулейман тира вун.

АРАДА ГЪУЪРМЕТ АВА

Ювале экв, берекат хъайла,
Гъардаз вичин чка чир хъайла,
Къадир Аллагъ рикІе хъайла,
Шаирсуз миллет жедани?

Рагъ азачир югъ жедаки?
Гъед авачир цав жедани?
Яд авачир гъуьл жедани?
Шаирар авачир миллет жедани?

Векъ авачир чуьл жедани?
Цаз авачир тар, там жедани?

Майва авачир багъ жедани?
Шаирсуз миллет жедани?

Сар алачир хеб хуьдайд туш,
Нек квачир кал хуьдайд туш,
Мух тинедай балкІан хуьдайд туш,
Шаирсуз миллет хуьдайд туш.

Вирт гудай чЫжер хьайила,
Абуруни чаз дул гьайила,
Шаирарни бул хьайила,
Инсандин кьимет ужуз жедайд туш.

Бейбалад квез салам гайила,
Вири миллетриз ван хьайила,
Квекай заз арха хьайила,
Арада гьуьрмет ава чи.

АЧУХ ЛУГЬУН

Авайди тушир чаз граница.
Чин рекъелай гьам къакъуда.
Къве стхадин зегьметдалди
Хазина я вун чаз, Баку.

Цава авай гьед я Баку,
Тухудайд туш ам гьич къаю.
Дагъустандин халкъдихъ галаз
Гьуьрметлу халкъ авай Баку.

Чи виляят хьурай чІехи,
Чун акъвазна санал вири.
Хьвадай яд хьиз я чун михьи,
Азербайжан, чан Дагъустан.

Дагъустандин игит халкъдиз
КичІеди туш юкьуз-йифиз.
Гьар са кІвалах вилик тухуз
Гьазур я чун санал, Баку.

Дагъустандай физ Бакудиз,
Чпин гьунарар къалуриз.
НафтІад мяденар худда турбур
Лезги халкъ я ачух, Баку.

Вад километридлай дерин
Чил эгъуьниз гъар мяндендин,
Станокар биренадин
Гъиле хъана Бейбаладин.

Чехи пай ква Дагъустандин
Ачух лугъун за ваз, Баку,
Заз квадариз кІанзавача,
Тан чна и кар тарихда.

АБДУЛХАЛИКЪ

11-май, 1975-й ис.

Сапам гана зи гъил къадай,
Ширин мецив мез рахадай,
Гъар са нямет санал недай
Амач зи дуст Абдулхаликъ.

Агакъна зав чІуру хабар,
Зи далудал - залан тир пар.
Шехъиз ава чи хизанар,
Ахвадач вун, Абдулхаликъ.

Цав къакъан я, чил чаз кІеви,
ИкІ лугъузва шезвай рикІи.
Даим кІелиз фида вири,
Заз эвермир, Абдулхаликъ.

Акъатна вун чи арадай,
Къакъатна вун хизанрикай,
А ви гъилик берекат квай,
Чин ачух тир, Абдулхаликъ.

Жегъилвилилин чагъда аваз,
Мурадар ви рикІе амаз,
Чан гана на вил рекъеллаз,
Вуч кІани тир ваз, Абдулхаликъ.

Атана халкъ мяфедал чи,
Им адет я гъар са хуьруьн.
Гъил хкажна дуьа ийин,
Ваз рагъмет гуй, Абдулхаликъ.

Хъанача ваз закай куьмек,

Азраил я чалай зирек.
Мииитдин чинал вегь лацу пек,
Кябедихь элкьюрна Абдулхаликъ.

Вахъ кIел авур ясиндин ван,
Адан нурар ви сура тван.
Женнет булагдай на яд хъван,
Ваз серии хъуй, Абдулхаликъ.

Жезвача яргьалди физ
ТIар хъанава зи кIарабриз.
Жив такъурай чи сурариз,
Гел амукъда, Абдулхаликъ.

Бейбалади ийизва шелар
Къурадалди вилин накъвар.
Амача заз ширин ахвар,
Женнетэгъли Абдулхаликъ.

ВАХАРИН БАХТАР АЧУХ ХЪУЙ

Ракъин кайи кIарабдал чIар хкведач,
Чешме квахъай булагдиз яд хкведач,
Уьмуьр фенвай хесетдикай
Вахаз Наврузбег хъижедач.

Татуй дуьшуьш инсанд кьилел,
Вилерай нагъв кими жедач.
Сифтегъан гьуьл кьейи вахаз
Жегъил Наврузбег хъижедач.

Шекер авай къаб хайила,
Гъахътин шекердан хъижедач.
ЦIийи партал алуькIалди
Вахаз Наврузбег хъижедач.

Къажгъанда яд югуртIани,
ТIямлу са хуьрек хъижедач.
Ваха кьимет тагайдакай
Куьчедал итим хъижедач.

ХъанайтIа са хъсан юлдаш,
Гъам къекъвена жагъурна гъваш.
Тербиясуз итимдикай
Вахаз Наврузбег хъижедач.

Ви тIвар кьуна кьекъвейтIани,
Гъиле-сиве хъайитIани,
Аллагъдин патай бахт тахъайди,
Вахаз Наврузбег хъижедач.

Гъикъван акван заз сабурар,
Чпихъ гуърчегвал авайбур,
Бейбала квел туш такабур,
Вахарин бахтар ачух хъуй.

ХРУМДИН ЧЕКМЕ

Са зегъметни квачиз жуван,
Рушватдал пьил эцигайд туш.
АлукIнавай хрумдин чекме,
Къарадал кIвач эцигайд туш.

Рушватдив вердиш тир касдиз
Хуьквез кIандач бушдиз кIвализ
Фидача ам яргъа рекъиз,
Къарадал кIвач эцигайд туш.

Жувал алай кастумдиз
Шихинин пек хъиядайд туш.
Яргъалайни гъам къалуриз
Къарадал кIвач эцигайд туш.

КЪАЛИЯН

На къалиян кьуна гъиле.
Сарар чIулав хъана сиве,
Гум гъатнава кIвалин къене,
Ваз килигиз шезва диде.

ШапIрусди вун ийиз кьуьзуь,
Тачагъайла жеда дели,
Мал-девлетни гуда вичи,
ГъакI цIай ягъиз куда чини.

Ингъе захъ ви гум галукъна,
Зун вакай яргъал кьекъечIа,

Худ гузава къалияндиз,
Гум физава Салияндиз.

Гъиле къуна зардин пІапІрус,
Рахадай чІал хъанва урус.
Квадардайд туш динни Намус,
Гадра сиве авай пІапІрус.

Дуст я лугъуз къуна душман,
Йикъалай къуз цІразва чан.
Жагъидач ваз ахпа дарман,
ЧукІурмира жуван хизан.

ЛЕЗГИДИН РИКИ

Къве лезгид гаф сад хъайила,
Хци гъанеф гъиле къуна,
Садазни гъич ван тахъана,
Тарар-тамар хаз акІурда.

Дагъдин къилел алаз хъайитІа,
Лапаткан нум гваз хъайитІа,
Къве лезгид гаф сад хъайитІа,
Дере-тепе, кІвалер шадарда.

Авазва чахъ гъунар чІехи,
Авур кІвалах ая михъи.
Идарадиз кІватІ жеда вири.
Къве лезгид гаф сад хъайила.

Жуван стха хуъдай касдиз,
Инсанд къадир чидай касдиз,
И чІехи тир Дагъустандиз
Къве лезгиди экв куькІуьрда.

Хизандал гуьлчивал ийиз,
Яргъа авайд эверна хкиз,
ЗятІни кІани туш Бейбаладиз
А лезгидин рикІ шад хъуй.

РИКИ МИХЪИ ТУШ

Уьткъемвални авазва вахъ,
Ажужвални авазва вахъ,

Туькьуьлвални авазва вахъ,
Я рикI, вун вучиз миxьи туш?

Са кIус зегъер какахъайд хъиз,
Ийидай кар меслят тийиз,
Къазва вуна вун лап виниз,
Я рикI, вун вучиз миxьи туш?

Йифиз тIимил кичIе жед ваз,
Гъамни вуна хиве такъаз,
Виридлайни къуватлу яз,
Я рикI, вун вучиз миxьи туш?

Чуьнуьхна вун беденд къене,
Аквазва ваз дуьнья еке,
Чуру кIвалах такъаз хиве,
Я рикI, вун вучиз миxьи туш?

Сад кIан жез ваз, садни такIан,
КIвал эцигайда кукIварда къван,
Алама вал хайи къван чан,
Я рикI, вун вучиз ммхъм туш?

Я гуз жезвач, я вун къачуз,
Туькьуьл затI я лап къиметсуз.
Жемира вун икI гъуьрметсуз,
Я рикI, вун вучиз миxьи туш?

Авач куь гъисабдин къадар,
Куьн гваз къекъвезвай инсанар,
Терездин хел къезил-залан,
Я рикI, вун вучиз миxьи туш?

Вун кIанелай язва чуру,
Амукъдай къван жезва цуру,
Вуна халкъдиз гузва далу,
Я рикI, вун вучиз миxьи туш?

Икъван игит жез къуватсуз,
Ви гъиляй зун хъанва ажуз,
КIвалах куьтягъ жедач гатуз,
Я рикI, вун вучиз миxьи туш?

Санал сердиз физава чун,
АлакъайтIа гадардай вун,

Гъикъван вуна Бейбала кун,
Я рикІ, вун вучиз михъи туш?

Гаф кватайла чинал гъалчиз,
Халкъдиз вуна зун къацІуриз,
Аял хъиз алдатмишариз,
Я рикІ, вун вучиз михъи туш?

Вун качугъна гъикъван жеда?
Вакай гъурама мус хкатда?
Вун гъамиша заз тІа жеда,
Я рикІ, вун вучиз михъи туш?

Къуншидал хийир хъайила,
Чин патал къаз фин хъайила,
ЧІуру рехъ гвайди вун хъайила,
Я рикІ, вун вучиз секин туш?

Рекъида вун гъа азардик,
Тадача вун чилин кІаник,
Дестек хана, кткайтІа жегънемдик.
Я рик), вун вучиз михъи туш?

И ДУЪНЪЯ ДЕРЕ-ТЕПЕ Я

Куън, шаирар, рахаз-рахаз
Гъикъван девлет аватІа чаз.
Гъуърмет ая незавай фаз,
И дуънъя дере-тепе я.

Са пай яд я, са пай я къур,
Са пад - экуъ, са пад - мичІи,
Садбур - куъруъ, садбур - хци,
И дуънъя дере-тепе я.
Агъадихъай экъечІай рагъ,
Са пай женнет садни я багъ,
Цаваркай вал ала къалпагъ,
И дуънъя дере-тепе я.

Садбур алахъна физ,
Садбур сивин авачиз,
Садбур хъурез, садбур шехъиз,
И дуънъя дере-тепе я.

Гагъ мичИи жез, гагъ вун экуь,
Садбуруз гайи, садбур кайи,
Инсанар чун сад туш вири,
И дуьнья дере-тепе я.

Къачу, диде, некИедлай чар,
Югъурдайвал йикъа са квар.
Бейбала, чIем кIватIа санбар,
И дуьнья дере-тепе я.

Садбур рахаз ван жез,
Садбурун ван лал жез,
Шаирдивай са куьмек тежез,
И дуьнья дере-тепе я.

РАГЪИМЛУ АЗЕРБАЙЖАНД ПРЕЗИДЕНТ

Зи, мурад я лап вун акун,
Эвел за ваз са салам гун.
Заз кхьидай ихтияр гун,
Авай къайда Азербайжанд президент.

Ислягъ хьунал вуна женгер чIугвазва,
И дуьньядиз хъсан рекъер къалазва,
Вири пачагълугъар ваз аквазва,
Гъуьрметлу Азербайжанд президент.

Вири дуьнья патал вуна зегъмет чIугвазва,
Герек туш дяве лугъуз вун рахазва.
Къве пачагълугъди чпин къулар чIугвазва,
Вун зилик квай, Азербайжанд президент.

Алиев я югъди-йифди фикир чIугваз,
Америкадиз фена къулар чIугваз,
Икъван гагъда санан дяве тавурди
Вун язава, Азербайжанд президент.

Вири виляятриз вун физава,
Виляятдиз бул девлет гъизава.
Саламатдиз вуна уьлкве хуьзава,
Вун Аллагъди хуьй, Азербайжанд президент.

Дуьньядиз вуна экв куькIуьрзава,
Ислягъвилин дагавурар туькIуьрзава,

Дявед яракъ шадвилихъди элкъуързава,
Зегъмет чІугвазвай Азербайжанд президент.

Дяведиз рехъ гудач лугъуз рахана,
Шад бахтлу хабар ван хъана,
Ислягъвилин къушраз гъавадай фидай
лувар хъана
Ваз къезил хъуй, Азербайжанд президент.

Меркезда къулар чІугурла,
Пачагъар куън дустар хъайила,
Уъмуърлухдин дагавур кутІурла,
Сагъ амукъда эслер, Азербайжанд пезидент.

Царавай вун физ-хтун,
Аллагъди куъй гъамиша вун,
Ви мурад я багълар кутун,
Душмандикайни дуст авун, Азербайжанд президент.

Ваз яргъалди уъмуър гуй,
Гъамиша вун чи вилик хъуй,
Ви душманар вири кур хъуй,
Шад жеда зун, Азербайжанд президент.

Бейбала я-дуъз кхъида тІвар,
Авазва вахъ чІехи къастар, гъунар,
Ваз Аллагъди гуда куъмекар,
Саламат хуъда вуна мусурманар,
Рагъимлу Азербайжанд президент.

ТУМ ЛАЦУ КАЛ

Некни дана гузвай са кал,
Вун тахъайла шехъиз аял,
Акъатна вун хъуътІяй гатал,
Гъалзава на девран, чан кал.

Лагъ, чан къунши, хъайи агъвал.
Гъинихъ фена кІвалевай кал?
Буй къакъан тир, тум лацу кал,
Гъалтна ам къацу векъел.

Диде патал шехъиз аял,
Хуъквез-хъфиз къуншидин мал,

Физва вун са шумуд варцел,
Вуна халкъдиз нек гузва, кал.

Итим хъанва гзаф къуъзуъ,
Бейбаладвай гуз жедач веси,
Тамам я ваз зи гаф вири,
Юанивал хуъх папаз, къунши.

Бейбалади ийизвач са кIусни таб,
Тек-бир жеда гъаясуз паб.
Чир жедайвал атIайтIа яб,
Тадач кIвале сагъдиз са къаб.

ЧИН ЧУЪХУЪХ

КIвализ тIили атай чIавуз,
Къуъзуъди лап жеда ажуз.
Лазим кар туш гъич са чIавуз,
Вун къекъвераг жемир, лезгиI

Кесибвал чахъ хъанатIани,
Захъ хажалат аватIани,
Къекъверагар гзаф ятIани,
Жедай са куъмек авуна,
Къил вине яхъ жуван, лезги.

КIарасдин винел чкал хъайила,
Хам тихъийиз дакIан хъайила,
ЧIарчи къунвай чIуру хъайма
Къекъверагар бул жезава,
Юлдашвалмир вуна, лезги.

Ван хъайид туш бубайривай,
Къекъвераг хъайиди туш несилдикай,
Чин чуъхвена лап михъи цяй,
Квак югъвайла келледавай,
Гъер хъиз жеда вунни, лезги.

ШАПУНД БУЛАХДАЛ

Шалбуздагъдин са дамардай
Атанва, яд, вун чиликай.

Хабар гун за Бута хуьруькай,
Девлет я вун, Шапунд булах.

Гзаф я ви хатур-гьуьрмет,
Садавайни гуз жедач кьимет.
Кьизилдин дагьдихь дегиш жедач
Бута хуьруьн Шапунд булах.

Кьекьвемир, хва, яргьал рекье,
Ярдин хиял аваз рикIе.
Вал гьалтай руш яр яхъа кье
Бута хуьруьн Шапунд булахдал,

И жегьилар теспягьар гваз,
Рушар кьвезва дамахар гваз
Дагьустанда тIвар-ван аваз
Бута хуьруьн Шапунд булах.

Кам вегьена 18 саз
Наврузбегди хьуьчIуькай кьаз,
Туйдин партал бедендал алаз
Акьвазнава Бутрин булахдал.

И мугьманар аквазва чаз,
Гьваш лагь чуьнгуьр кье Шагьнаваз.
Рушар инлай рекье тваз,
Мехьер ая Шапунд булахдал.

КЪИСМЕТ ЯТIА ТАРИХДИН КЪВАН

Ширин я чаз ачух дуьнья,
Кьуд патахъай гуда вуна.
Хабарсуз лап цIай акьуна,
Амач лугьуз куда вуна,
Эхир заман, эхир заман.

Ахъа хъана кIвалик ракIар,
Атанай хьи лап кьайи гар,
КукIварна зи чинид кьапар,
Гьикьван жеда зи рикIиз тIар,
Эхир заман, эхир замай?!

Терг хъана зи арха цIувад,
Гьар уьлкведа сура са-сад.

Хару ягънай заз авай гад,
РикI шехъай кас жедани шад,
Эхир заман, эхир заман.

Инсанар икI кьиникъ азар
ТукIуьрай кас сад я къадар.
Алукъдалди жедач хабар,
Беден михъиз жеда кукIвар,
Эхир заман, эхир заман.

И чIалар за кхъизва фад,
Садра хару ягъна зи гад.
Дуьньядкай чаз авайд туш дад,
Хтанава зи кIвализ гад,
Эхир заман, эхир заман.

Гъар са касдиз кьилди шейтIан,
Гъабурни кваз авайд я сан.
Хабар такъаз тухуда чан,
Акур касдиз жеда дакIан,
Эхир заман, эхир заман.

И дуьнья я майвадин багъ,
Гъар патахъди чикIидай рагъ.
Квахъна зи вилик квай къакъан дагъ
Амукъдайди туш чун садни сагъ,
Эхир заман, эхир заман.

Дуьньядал зун кесиб кас я,
РикI ачухдиз хъайи кас я.
Эвериз заз гъеле фад я.
Аллагъди зун хвейи кас я,
Эхир заман, эхир заман.

Вилерин нур вахчур чIавуз,
Аллагъ, Аллагъ лугъуз-лугъуз,
Къуьнераллаз тухуз суруз,
Куь зегъмет заз хъия гъалал,
Эхир заман, эхир заман.

Къилихъ ясин кIелайлахъди
Бейбаладиз ван жедани?
Амукъдайвал тарихдин къван,
АлакъайтIа ая къакъан,
Эхир заман, эхир заман.